

船山遺書

第九函
第四冊

永曆寔錄

船山遺書 史部

中華民國廿二年十二月
上海太平洋書店重校刊

劉陽 李英侯 總勘
劉陽 張告吾 輯校
平江 李蘊平

永曆實錄目錄

卷一

大行皇帝紀

卷二

瞿式起嚴起列傳

卷三

丁魁王化朱天列傳

卷四

吳炳何吾黃士列傳

卷五

李永茂文安方以列傳

卷六

陳壯姜曰列傳

卷七

何蛟騰堵胤章錫列傳 鄭古愛 楊錫億附

卷八

焦璉胡青列傳 趙印選 王永祚附

卷九

馬進忠盧鼎二王九成列傳 馬維興附

卷十

曹建楊棟張先列傳 馬養麟 黃朝宣附

卷十一

金恒王仁李成陳友列傳 李元胤 劉克安附

卷十二

王祥楊展皮熊列傳

卷十三

高必正李赤心列傳 朱萬財附

卷十四

李定國列傳

卷十五

李來亨列傳 王光昌 王光興 郝永忠附

卷十六

闕

卷十七

晏清遇黃奇遇二劉遠生列傳 子霽明錢秉鐙等 黃公鄉 陳世傑 蔡之後 管嗣裘 朱昌時附

卷十八

二張家玉同敵列傳 朱嗣敏 萬年策 揭重熙 劉季鎮等 周鼎瀚 田關附

卷十九

袁彭年洪天權曹曄列傳 戴國士 蕭琦附

卷二十

童

天郭

奇吳

真萬

綸程

源魯

可列傳

漢

列傳

卷二十一

金堡列傳

姚湘

印司奇

丁時魁

張孝起附

卷二十二

死節列傳上

卷二十三

死節列傳下

卷二十四

佞幸列傳

卷二十五

宦者列傳

卷二十六

叛臣列傳

永曆實錄卷一

衡陽王夫之譔

大行皇帝紀

大行皇帝諱由根神宗顯皇帝孫也考端皇帝諱常瀛神宗第八子封桂王繼嫡妃王氏無出貴人馬氏生二子長桂恭王次上以天啟三年癸亥歲十月十九日生上于燕邸天啟七年秋端皇帝出封于衡州端皇帝垂頤豐背日角修耳貌似神宗性敦厚慈易爲諸王最崇禎閒朝廷崇禮親藩諸王多憑依侵有司煩苦士民獨桂邸以安靖聞編修馬世奇中書舍人張同敞先後奉敕戒諭諸王俱以王賢報命崇禎六年詔遣編修閔仲儼冊立桂恭王爲安仁王上爲永明王崇禎十年臨藍搖賊郭子奴劉新宇等反犯衡州端皇帝發藏金饋饌請調虔粵兵城守明年討平之崇禎十三年奏請修衡州城優詔許之崇禎十四年上納王妃王氏崇禎十六年張獻忠掠寇湖南八月長沙陷分巡上湖南道參議金九陞託齋賀表去衡州驚潰端皇帝率桂恭王及上出奔僅達永州南之石期市賊追至巡道

中軍王上庸率死士截擊端皇帝乃得舍舟逸去上庸力盡戰死上遂與端皇帝相失端皇帝攜桂恭王走全州得達廣西應奉內豎陳進忠奉上走道州陷賊中不得去爲僞吏所得將送賊所有吳繼嗣者故爲巡檢陷賊中僞授永州經歷力調護上譎給僞大吏得稍緩已而獻忠渡江走荊州僞吏無從致送遂免于難繼嗣迎居己署中益虔護侍每日初出夫婦皆拜謁奉膳醕如臣禮十二月征蠻將軍楊國威帥師復永州遂迎上入粵達端皇帝所遂從居梧州弘光元年端皇帝薨厝梓宮于梧州南岸桂恭王承國事思文皇帝立于福州以桂邸爲神宗正胤次宜承統有疑慮心下優詔結萬元吉何騰蛟丁魁楚不次皆遷九卿賜便宜蟒玉魁楚遂迎桂恭王及上居肇慶用杜推戴已而靖江庶人反思文皇帝益疑密詔丁魁楚相動靜處分未幾桂恭王暴薨上以簡靜爲魁楚信重得無恙隆武二年八月丁酉思文皇帝遇害于順昌全閩陷總制兩廣兵部尙書丁魁楚巡撫廣西僉都御史瞿式耜議戴上監國大學士呂大器兵部尙書李永茂皆至肇慶與定策叅政唐紹堯副使林佳鼎御史王化澄率府州縣吏民迎上于寓邸釋衰服

治府署爲行宮行監國事

十月丙戌上卽位于肇慶詔誥天下獎勵文武兵民同仇恢復改明年爲永曆元年
遙尊隆武皇帝爲思文皇帝順昌之訃未審或曰潛遜故也 追尊考桂端

王爲端皇帝兄安仁王爲桂恭王 上嫡母桂王妃王氏爲慈聖皇太后生母馬

氏爲慈寧皇太后立皇后王氏 進呂大器爲中極殿大學士擢丁魁楚李永茂

瞿式耜皆爲大學士大器永茂入閣直機務魁楚總理戎政式耜以吏部左侍郎

掌部事 命司禮太監王坤管文書房事 是月口兵破贛州總督兵部尙書萬

元吉監軍試中書舍人袁從諤通判唐口口死之 十一月蘇觀生何吾驤顧元

鏡以嗣唐王聿錫叛稱尊號于廣州改元紹武大學士陳子壯拜表請討之 命

兵科給事中彭耀諭唐王聿錫蘇觀生不奉詔耀不屈死之 以唐紹堯爲戶部

左侍郎王化澄爲兵部右侍郎兼僉都御史總督兩廣 呂大器稱病棄官歸蜀

以林佳鼎爲兵部左侍郎周光夏爲都御史 兵部左侍郎林佳鼎帥師東討

蘇觀生戰于三水敗績佳鼎及水師游擊將軍管燦死之 內批擢王化澄爲兵

部尙書 十二月以中允方以智編修劉湘客充經筵講官已而不行大學士李永茂請終制去 命大學士瞿式耜入閣典機務 口李成棟破廣州殺唐王聿錡及蘇觀生周王益王皆遇害何吾騶顧元鏡降 上避敵幸梧州瞿式耜諫不聽丁魁楚走岑溪

永曆元年正月癸卯朔上至梧州遂自府江幸桂林 李成棟攻肇慶梧州皆破之巡撫僉都御史曹曄降 南雄韶州高州雷州廉州皆陷 二月上至桂林 進何騰蛟太子太保武英殿大學士督師如故徧封楚粵黔蜀諸將爲侯伯 敕召詹事文安之王錫袞爲大學士周堪賡爲戶部尙書郭都賢李陳玉皆兵部侍郎皆未赴已而堪賡降于口進瞿式耜吏部尙書文淵閣大學士 給事丁時魁奏論新政當親行陣愼爵賞攬威福上嘉納之 晉戶部侍郎嚴起恆爲本部尙書 口孔有德攻湘陰王進才王允成之兵潰何騰蛟走衡州遂陷長沙副總兵滿大壯死之 大學士陳子壯帥義兵復沿海州縣進攻廣州爲李成棟所敗子壯死之 三月丁魁楚敗死于大藤峽李成棟陷平樂 上幸全州命大學士瞿

耜兼兵部尙書畱守廣西□兵攻桂林瞿式耜帥總兵官焦璉攻卻之 進堵胤錫章曠大學士兼兵部尙書總制督師如故 劉承胤以兵入扈遂逐王坤 敕召給事中金堡 四月上祀南郊 封劉承胤爲安國公馬吉翔爲文安伯郭承昊泰和伯嚴雲從清江伯詔杖給事中萬六吉御史毛壽登吳德操已而釋之封戚畹王國璽爲武靖侯馬九爵宛平伯王維恭長洲伯 □兵破衡州殺黃朝宣臨武知縣李興瑋死之 五月上幸武岡 以傅作霖爲兵部左侍郎掌部事召川湖雲貴總督李若星爲吏部尙書若星稱病去 張獻忠遣孫可望攻貴州總督楊鼎和棄城走可望攻陷貴陽已而棄貴去攻犯雲南 李成棟攻桂林瞿式耜帥焦璉擊卻之遂復平樂 左春坊張家玉舉義兵于東莞不勝死之六月以吳炳爲大學士入閣典機務 □兵破常德堵胤錫走永定衛 晉瞿式耜太子太師臨桂伯辭不受 七月刑部侍郎楊喬然解部務請敕入川貴督師劉承胤逐之也 以嚴起恆爲大學士召詣武岡不赴 何騰蛟入見劉承胤謀殺之總兵趙印選劫騰蛟去復出督師 劉承胤捶嗣通山王蘊紆于宮門以密

報敵警故也 八月瞿式耜奏迎駕居桂林承胤怒不果行 督師大學士章曠

卒于東安 口孔有德攻武岡陳友龍迎戰于石羊渡劉承胤降上出奔靖州武

岡陷吏部侍郎侯偉時兵部侍郎傅作霖死之吳炳降 上自靖州歷苗峒出柳

州 九月口兵陷黎平守將蕭曠死之 進封馬吉翔爲文安侯掌錦衣衛管文

書房敕旨 口兵破沅州巡撫僉都御史傅上瑞岳陽伯王允成降 十月分巡

左江道龍文明土司覃鳴珂作亂上次象州瞿式耜拜表迎駕 以王化澄爲東

閣大學士 十一月上幸桂林瞿式耜嚴起恆入直 十二月敕何騰蛟督師出

楚騰蛟帥郝永忠盧鼎趙印選胡一青守全州 是歲雲南土司沙定洲反攻雲

南府黔國公沐天波棄城走騰越巡撫都御史吳文瀛降于定洲

永曆二年正月上在桂林 二月孔有德攻全州郝永忠潰走大掠桂林上奔柳

州遂入南寧 封陳邦傳爲慶國公 金聲桓王得仁舉江西反正前大學士姜

曰廣承制封聲桓豫國公得仁建武侯 三月孔有德兵犯桂林瞿式耜何騰蛟

帥師迎戰敗之追至大榕江 四月皇長子生 瞿式耜奏進八箴上嘉納之

五月何騰蛟復全州 堵胤錫帥馬進忠之兵復常德 六月李成棟舉廣東反正封成棟惠國公佟養甲漢城侯授袁彭年左都御史曹曄兵部侍郎耿獻忠工部尙書有何吾騶李覺斯顧元鏡毛毓祥皆以原官起用 江西生員雷德復奉姜曰廣表奏報金聲桓王得仁反正至進曰廣太子太師武英殿大學士吏兵二部尙書督師賜便宜行事以吳宗周爲僉都御史巡撫江西仍聲桓得仁承制封如故王天雷劉一鵬蓋遇時封拜有差授德復給事中 口金固山來攻常德馬進忠迎戰于麻河大破之殲其軍 七月以朱天麟爲東閣大學士禮部尙書瞿式耜表請上幸桂林接應江楚雲貴不聽 以晏清爲吏部尙書 金聲桓王得仁討口高進庫于贛州不下 口談泰帥八固山之兵攻江西破九江聲桓得仁歸南昌 八月李成棟遣杜永和迎駕 何騰蛟復東安 曹志建復道州 陳友龍以黎靖反正遂復武岡寶慶 左春坊劉季鑛舉義兵于永寧復茶陵鄺縣安仁常寧 曹志建復郴州 九月上發南寧幸肇慶敕陳邦傳居守廣西邦傳自稱世守巡按御史吳德操劾之 上至肇慶拜李成棟征口大將軍敕築壇

授鉞成棟辭不受 封李元胤爲南陽伯提督禁旅馬吉翔提督戎政司禮太監
龐天壽提督勇衛 十月□兵破饒州遂圍南昌姜曰廣馳奏請援 何騰蛟圍
永州 以黃奇遇爲詹事禮部左侍郎充經筵官蔡之俊陳世傑爲左右春坊直
日講上日御行宮文華殿聽講 遣使航海諭魯王 十一月四川總兵王祥收
復川南遣使奏聞封祥忠國公命都御史范鏞朱容藩聯絡策應 佟養甲謀□
伏誅 何騰蛟使郝永忠攻陳友龍友龍失利走柳州永忠大掠武靖 □兵救
永州胡一青迎戰于文明鋪大敗之騰蛟復永州 十二月何騰蛟復衡州 吏
部侍郎吳貞毓誅李成棟迎駕往廣州上遣刑部侍郎劉遠生諭之成棟惶懼奉
詔 給事中金堡陛見奏劾郝永忠擅殺馬吉翔擅權陳邦傳無功僭秩上切責
堡 堵胤錫以高必正李赤心十三營之兵自巫山來趨常德馬進忠驚潰遂焚
常德走湖南掠湘鄉衡陽次于湘鄉 鄭鴻逵朱成功復福建沿海州縣奉表報
聞 堵胤錫以高必正十三營自寧鄉攻長沙不克退屯湘潭常德復陷 是歲
□兵攻破成都張獻忠殪孫可望自東川攻雲南沙定洲潰走可望誘沐天波及